

重修吳橋縣志序

古地志如禹貢職方率皆載方域山川  
物產備攷徵而已至太平寰宇記增  
以人物兼以藝文遂為今世志書濫  
觴蓋自宋風典厝凡鄉先輩之志主  
懿行晉賴邑乘以傳不獨備考徵並  
資觀感焉然建置有沿革人物輩出  
月異歲不同紀隨時增修則年遠而

涇柳亦考古之憾也吳橋縣志自

康熙三年歲次修迄今已二百餘載

三十有年邑進士李洞蒼先生為著

吳橋文獻考之書并藏於家未及梓行

同治癸酉歲安徽李少奎爵相總制

畿輔將輯通志飭屬郡縣各修專志

以備採擇邑產江西石君學階方率邑

紳捐修文廟擬工竣後即舉修志事

乃工未歲而以禮去攝篆者為汾江  
倪理卿大令公下車伊始日坐堂皇親事  
片言定讞積牘廓清神君之卷大噪邑  
向無寺院公慨然倡捐集貲創建延福建  
馮硯仲孝庵王誨為修志為公自傳之日為  
鉛槧惟歷年久遠技料良難乾隆以前  
則以孝書為依據後此為憲貲採訪因請  
兩學博王鶴汀孝庵蘭惺洲明鍾並邑人

季燭和孝廉共襄聖成而屬 家大人董  
理之體例微弓變通而添繪諸圖較舊志  
尤為詳備不數月哀然盈帙焉方洞蒼先  
生之輯文既考也亦甚懼邑志失修後之  
人蒐討無憑耳然第弄藏於家久或不  
傳即傳亦不遠今以公提倡新舉不特洞  
蒼先生之苦心不致湮沒而二百年來之  
建置沿革人物之卓著以及科名藝文

凡足備考徵實觀感去來藉以不泯公之  
為功於吾邑也豈不偉哉時予備員史館  
仲弟恩濬以侍讀倖直薇垣並羈系邸未  
獲付家大人供採訪之役而公所不棄  
顙愚殷々門序予亦以子閔桑梓方幸公  
之善政嘉直於吾邑去無窮又幸公之掾  
筆為吾邑光也更足以垂之久遠也爰  
備述顙末以謗後之續修縣志者

大清光緒元年歲次乙亥三月上浣

賜進士出身翰林院編修 國史館纂修

賓錄館纂修 記名御史劉恩溥謹後

原序

錢維禮

昔者先王建邦設都欲周覽天下之故而懼其或遺也於是有  
邦國之志小史掌之四方之志外史掌之志之所從來舊矣故  
郡邑無志則沿革廢興利弊淑慝奚所憑而考焉明道之在鄆  
晦翁之在南康皆惟是首務二公者誠知所重也已吳橋舊無  
志但有抄本疎畧殘蕪散亂無紀而一統志收河未詳郡志亦  
多不覈識者病之萬厯改元毅所公蒞治斯邑越明年政通人  
和百廢具舉慨邑典無徵思繼程朱之治迺屬憲副省齋先生  
纂脩焉時維禮適廁賓塾先生顧謂維禮曰吾自謝政歸林有  
年載矣豈不念及此哉方將仰寥廓看蜚雲舞白鷗歌黃鵠與

吾鄉吾黨同遊於擊壤擊缶之域興至則賦詩一章以宣暢情  
志頤吾天真此吾樂也若復欲勞神費辭參訂互考鼃鼃而爲  
此則不暇矣中衡子其可無爲吾邑志之維禮作而言曰惡乎  
敢惡乎敢夫郡邑志大都其郡邑人爲之不則亦仕於此者僕  
遊子也何所知識何所司守而與於是先生夙備三長當世外  
史貴邑志非先生之爲而誰爲書其所聞見一搦管伸楮立就  
矣其何神之勞而辭之費也先生曰唯唯否否居吾語子以吾  
之心夫志者史別名也史必有褒貶吾居是邦而褒貶其邦之  
人若事卽欲奮筆信舌於心安乎褒之或以爲私貶之或以爲  
偏恐非所以昭古信今垂後取徵也是故里人曲直里之人曲

直之則終日而不決行道之人過之曰某也直某也曲則一二  
言而辨矣何則有心與無心也今予之辱居於吾邑也何憎何  
愛何譽何毀據事而直書之因人而案斷之此所謂辨曲直於  
行道之人也以是昭古以是信今以是傳後夫是之謂有徵夫  
是之謂定論子其毋辭且子以爲志必邑人爲之耶馬史班書  
豈皆其邑之事今之職史館者將舉天下事華袞而斧鉞之則  
又將誰讓也盍小試焉禮聞之慙然赧竦遷延而避席曰吁謂  
之茲耶先生之命我意過厚矣顧余謏劣方業章句文字之不  
暇其何史之敢云然竊聞之東里氏之柄鄭也舉國而聽斷焉  
至其爲命則不以自主有草創者有討論者有修飾者然後從

而潤色焉故孔子稱之夫彼不過一時應對之譚耳且猶慎重若是矧志以立不刊大典乎然則禮也亦自附於草創之義以俟先生爲之潤色也不復辭讓遂秉筆而書之披覽圖籍咨詢風謠得其建置沿革之詳山川形勝之大城池橋梁里巷之畧鄉鎮市集俗尚之槩作輿地志第一地里旣備宮室斯建作宮室志第二有居必有食財賦出焉作食貨志第三守土司風莫居足食者官師也作官師志第四官師立而政教興政教興則髦士選矣作選舉志第五選舉以論文也文章之外有政事有德行有節義斯賢也作人物志第六人物以論行也古者立史左動右言言行不可偏廢作藝文志第七藝文者士庶人之言

也猶欲志之不忘況渙汗之號王朝大典不忘何以傳乎作王  
言志第八輿地以始之塚墓以終之亦欲夫生斯土者不與草  
木同朽腐也作終志第九此其大畧也蓋行道之論不敢自謂  
不敢自謂不公而聞見者寡或多散逸遺漏焉則非予之所知  
也尙待博雅君子討論而修飾之云爾錄成因叙其端萬厯三  
祀八月望日



原跋

邑人李懿

吳橋之在天下猶著面黑子耳無名山巨川之勝而人文又復  
寥寥比之大都蓋深讓焉雖無志可也故舊無志然杞宋無徵  
孔子傷之今行部者省方觀俗往往索取司茲土者其何以應  
邑侯龔公以甲科蒞吾邑慨舊典之莫稽懼將來之益廢乃以  
託諸中衡錢先生未幾龔公遷官去中衡主吾撰次裁定凡五  
閱月告成余畧爲之總括焉邑博李子子翼李子仲元張子大  
卿參訂之志雖畧具然比諸大方則忤矣雖然曲阜鄒魯昔當  
孔孟未生時亦尋常小邑爾暨尼山產聖三遷卒業則鄒魯蜚  
聲振古今雖平陽蒲坂無多讓吾邑雖小後之諸君子誠能味

道砥行以聖賢自期則事業掀揭天地將爲昭豈獨地靈爲勝  
耶是余深有望於後之人也尙其勗諸

舊序

縣之有志一方之文獻也吏治民風皆於此取衷焉所關非淺鮮也官於斯者見封域之險易建置之沿革戶口之隆殺官職之邪正考鑒得失以施補救上於是有善治生於斯者見山川景物咸有安土樂業之思見賢良孝義咸懷革薄從忠之志見科第宦跡咸知力學稽古之榮觀咸奮興競相勸勉下於是有淳風然則志書亦胡可闕哉吳橋有舊志出自本邑故憲副省齋李先生手迄今百年矣屢經兵燹板不復存前者聽其殘缺後者未能增續志書中斷良可惜也今

皇清受命肇域萬方薄海內外悉載版圖幅隕之長未有盛於斯

時者矣

皇上允輔臣請修一統志俾州縣各編輯以進以備採擇覺承乏  
邑令敢不恪共乃事用襄鉅典爰集師儒博詢父老合舊章新  
聞而損益之開局受餐積有歲月編治成書分爲十卷一曰輿  
地二曰宮室三曰食貨四曰官師五曰選舉六曰人物七曰藝  
文八曰武備九曰王言十曰終志聞見不廣遺漏或多然而大  
畧已備矣志成付梓覺於此竊有感焉李公舊志修於萬厯三  
祀彼一時也太平日久煙火相連頗稱蕃庶迨至明末戎馬凶  
荒相繼爲災焚斃子遺凋殘不堪問矣幸我

朝定鼎覃敷聲教惠綏多方民乃稍蘇而元氣尙未全復也覺蒞

茲土惄然憂之乃恪遵

上臺憲約爲之緩催科均戶口修學校練鄉勇嚴保甲禁羨耗捐贖緩朝夕冰競惟恐負

皇上休息斯民至意然才短政拙於縣無補賦稅未嘗不完而剜肉醫瘡可念也力役未嘗或偏而憚人載傷可哀也村落猶存矣類十室而九空也絃誦如故矣類捉襟而肘露也豈非久饑者非一飯之所能充久病者非一劑之所能愈乎則今日之吳橋求如昔日之蕃庶難矣嗟乎今窮簷疾苦非獨此邑爲然也所望司

國計者由一邑而推之列邑繪圖入